



**Quæstionum Canonicarum, In Quinque Libros  
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,  
In quo agitur De Judicio criminali, exponendo primùm actiones in eo  
judicio instituendas, & suscipiendas, ...

**Schlüter, Georg**

**Augustæ Vindelicorum, 1709**

Articulus X. An, & qualiter acquisita per Simoniam restituenda sint?

---

[urn:nbn:de:hbz:466:1-73064](#)

ex tali provisione acquirendum; vel relate ad alia prius legitimè acquista; unde licet rectè dicatur, quod comprehendat beneficium ex tali provisione acquirendum; se-  
cūs tamen est, de prius legitime acquisitis. Nam, cum ea lex prohibens, & annul-  
lans, *pænalis sit*, rectius strictè sumitur, & exponitur solum *de futuris*, & post con-  
demnationem. Ita Suarez l. 4. c. 58. n. 6.

**555** Dices in c. *Inquisitionis*, de accusatio-  
nibus, dicitur, quod simoniacè *obtinens  
beneficium, impeditus sit ab illius retenzione,  
etiam post peractam pænitentiam.* R<sup>g</sup>. quod, licet Barbosa in cit. c.n. 5. doceat, in nullo occulto crimen, præterquam in homici-  
dio, executionem impediti, etiam post peractam pænitentiam; rectè tamen tex-  
tus exponatur *de retentione beneficii*, post  
sententiam *condemnatoriam*. Tunc enim executionem habere poterit, etiam quo-  
ad retentionem. Ex hoc colliges: Fru-  
ctus, ante Simoniam perceptos ex benefi-  
ciis, non esse ipso jure restituendos; quam-  
vis commissa deinde Simonia per senten-  
tiam illis privari possit Reus. Ratio  
primi est, quia, qui habet jure beneficium,  
etiam habet jure fructus; sed ante com-  
missam Simoniam ponitur habere benefi-  
cium jure: Ergo. Ratio secundi est, quia  
tali Reo imponi potest poena pecuniaria  
pro delicto. Colliges 2. per Simoniacam  
confirmationem non irritari ipso jure elec-  
tionem prius legitimè factam, licet per  
electionem Simoniacam ipso jure irrita sit  
confirmatio, & omnes actus subsequentes.  
Nam valor confirmationis, & actuū sub-  
sequentium supponit valorem electionis;  
illa enim ante hanc subsistere non potest,  
electio autem non supponit confirmatio-  
nem.

## §. 7.

## De pœnis Simoniae confidentialis.

**556** D E hac Simonia egimus à n. 512. O-  
lim Simoniam confidentialem, nullā pœnā punitam, imò potius à Principi-  
bus Ecclesiasticis in omni genere persona-  
rum toleratam esse, notat Pyrrhus Corra-  
dus in praxi dispens. Apost. l. 5. c. 8. n. 2.  
Quia tamen periculosior, & cùm plerum-  
que occultè fiat, frequentior est, varias,  
&, severiores poenas statuerunt summi  
Pontifices. Pius IV. & V. ille in Buila  
incip. *ad Romanum Pontificem*; iste in con-  
stit. *Intolerabilis*; de illis in præsens quæ-

stio est. Prima, est excommunicatio latæ  
sententiaz, reservata Papæ, & afficiens tam  
dantes, quām accipientes 2. interdictum  
contra Episcopos, & Collatores 3. nulli-  
tas Resignationis, & Collationis. 4. Inha-  
bilitas ad idem, & alia beneficia obtinen-  
da. 5. Sedi Apostolica reservatio benefi-  
ci, in quo Simonia confidentia est com-  
missa 6. fructuum malè perceptorum ap-  
plicatio Cameræ Apostolicæ. 7. Privatio  
omnium beneficiorum, & pensionum prius  
obtentarum cum inhabilitate ad alia.

Circa dictas pœnas not. 1. eas incurri **557**  
ipso facto excepta privatione beneficio-  
rum, prius legitimè obtentorum (quæ  
requirit sententiam faltem declaratoriam  
criminis) ac inhabilitate ad reliqua omnia  
beneficia. Nam & hæc, ut notat Lessius  
cit. l. 2. c. 35. d. 26. n. 147. ex usu jam re-  
cepto prærequirit criminis declarationem.  
Not. 2. has pœnas esse statutas in Simo-  
niām confidentia, licet nec dum utrinq;  
completam, atque adeo licet beneficium  
in confidentiam datum, ab eo, cui sic da-  
tum est, non sit renuntiatum ingre-  
suro, accessuro, vel regressur, mo-  
dò datum sit cā conditione, ut dimit-  
tent, vel alteri resignetur, ac cā inten-  
tione recipiatur. Sic enim decretum esse  
in cit. Constitut. Pii IV. & V. tradit Suarez,  
& Lessius cit. de aliis Mediatoribus, & inter-  
venientibus nihil in his Bullis constitutum  
est. Unde in hos cadunt solæ pœnæ Extravag. 2. de Simonia, de qua locuti su-  
mus supra, quæ probabilius requirunt Simo-  
niām realem. Not. 3. quod dictæ  
constitutiones, in quantum sunt pœnales,  
accienda sint de Simonia confidentiali  
commissa in solis beneficiis Ecclesiasticis. Qua-  
re hæc Simonia, licet procedat in illis cu-  
juscunque Ordinis sint, sive simplicia, sive  
curata, majora, vel minora, secularia,  
vel regularia (ut notat Layman, l. 4. n. 10.  
c. ult. §. 8. n. 74. & alii.) locum tamen  
non habet in pensionibus, & aliis actibus  
spiritualibus, licet illicita quædam fiducia,  
seu pactum interveniat. Plura videri pos-  
sunt supra in dictis à n. 512.

## ARTICULUS X.

An, & qualiter acquisita per Simoniām  
restituenda sint?

**558** PRædictis pœnis annumeratur restitutio  
pretii simoniacæ, seu pro re spirituali  
accepti  
P 3

accepti, quia sine causa, seu titulo habili ad transferendum dominium, est penes eum, qui recepit utpote acceptum *pro re inasimibili*. Et quamvis aliis de jure civili, in contractu turpi, ( quando tam dans, quam accipiens, turpiter egit, melior dicatur conditio possidentis, L. 2. c. de condit. ob turpem causam) in contractu tamen Simoniaco per sententiam Judicis imperari potest, ut pretium (quod de jure naturali sufficeret, restitui danti, à quo injustè, & sine titulo acceptum est) Ecclesiæ, vel pauperibus, vel alii locis piis restituatur per c. *Audivimus*, 41. h. t. ibi: quod, si quis transgressor extiterit, exacta duplicita restitut in utilitatem locorum, in quorum fuerint soluta dispendium, fideliter convertenda. His politis:

559 Quæstio 1. est, an spirituale, Simoniaco acceptum, debeat restitu? Ante resolut. notandum, que Simoniaco accipiuntur, alia esse merè temporalia, alia spiritualia. De his censem Castropalaus. p. 3. tr. 17. D. 3. p. 26. n. 1. nullum spirituale, nisi beneficium, Simoniaco acceptum, *restitutioni* obnoxium esse, vel jure divino, vel jure Ecclesiastico. Quod de jure naturali, & divino verum judico, si non intervenit injustitia. Nam obligatio *restitutionis propriè dictæ* fundatur unicè in eo, quod quis, vel accipiendo, vel retinendo rem aliquam, lèdat jus strictum alterius; certum autem est, quod quis aliunde capax (extra materiam *beneficii Ecclesiastici*) non lèdat jus strictum alterius recipiendo Simoniaco, v.g. confirmationem, electionem, absolutionem aut alia Spiritualia, valide à dante conferibilia; Simonia enim non opponitur justitiae strictæ, sed Religioni. Ex hoc infert Castropalaus, eum, qui, pecuniâ datâ recipit sacramenta; consecrationem altaris, vel admissionem ad statum religiosum per professionem Simoniacam, nihil de recepto Spirituali teneri *restituere*; quia in his, dando pecuniam pro illorum acquisitione, non peccatur contra *justitiam*, sed tantum *Religionem* indebet tractando res Ecclesiasticas. Et hoc verum judico etiam de jure Ecclesiastico; cum ejusmodi spiritualia reverâ nec reddi possint, ut semel validè recepta sunt; nec extet ullus textus, præcipiens altare, vel Ecclesiam Simoniaco consecratam, esse execrandam. Infert 2. eum qui pecuniâ Simoniaco, sed non injustè comparavit reli-

quias Sanctorum, grana benedicta, jus Patronatū, jus eligendi Confessarium, ex *justitia* non teneri ea dimittere, quia nec in horum comparatione, vel acquisitione peccatum est contra *justitiam*, sed Religione.

Verum in hoc casu videtur dicendum 560 redditionem accepti esse debitam alio titulo, qui forte refvoli posset in illum. Etsi enim directè non peccaverit contra justitiam Simoniaco acquirendo; consequenter directè non contraxerit obligationem *restituendi*; quia tamen sine causa, & titulo habet; & nec dominium, vel jus illius rei (secundum quod explicat spiritualitatem, cuius intuitu ea acquisitione Simoniaca est) acquirere potuit, *retineret non suum*, quod consequenter est contra justitiam. Accedit, quod Simoniaco vendens, & emens jus Patronatū, illud in poenam amittere, coequi privari debeat per c. *Quia Clerici*, 6. de jure Patronatū; & Ecclesia, vel beneficium fiat liberæ collationis, sic Jo. Andreas ibid. n. 5. & Barbos. n. 5. Piring autem de jure Patronatū n. 185. docet, quod sicut ante sententiam Judicis, pretium Simoniaco acceptum non est sub obligatione *restitutioni*; ita nec spirituale (v.g. *jus Patronatū*) quod Simoniaco, sed non injustè acceptum est. Rationem dat, quia nec jure divino venditio, & acquisitione est irrita, nec etiam extat ullum jus Ecclesiasticum, quo ea decernatur invalida, licet prohibeat *modus* acquiringi, tanquam Simoniacus; & cum hic nulla interveniat injustitia, sed solum turpitudine, nulla etiam potest oriri obligatio *restituendi*; sic ille.

Circa istam doctrinam not. 1. verum esse, 561 nullam esse obligationem *restituendi* propriè loquendo, ubi nulla intercedit in justitia, vel in acceptance rei, vel in ejus retentione, vi cuius alter minus habeat in jure suo, quam ejus jus exigat; & ille plus, quam vi juris sui ei competat, ut fuse ostendimus in tract. Theolog. de jure, & justitia. Not. 2. concedi etiam, quando spirituale sive transiens, sive permanens (extra materiam *beneficiariorum*) Simoniaco, sed non injustè, acquisitione est, nullam jure divino, aut naturali esse obligationem *restituendi*. Nam in dato casu ponitur, non intervenisse in justitia, seu injusta laesio alieni juris; unde nasci non potuit obligatio *restituendi* proprie dicta.

Not. 3.

<sup>562</sup> Not. 3. Quando spirituale, (quod est res permanens) Simoniacè, sed non iustè acquisitum est (v.g. *jus Patronatus*) videri, non admittendum, quod docet Pirhing supr. relatus; nam, et si verum sit, cum *jus Patronatus* Simoniacè emitur, & venditur, ab emente vendenti nullam directè injuriam fieri, consequenter, *ex hoc capite* non nasci jure naturali, vel divino in emente obligationem restituendi *jus emptum*: Quia tamen (ut ipse Pirhing de jure *Patronatus*, n. 71. ex glossa in c. de jure, 16. de jure *Patron.* V. *irritum*, docet) Simoniaca venditio, & emptio juris *Patronatus* ipso jure irrita est, ratione, quam affert non potest esse locus.

<sup>563</sup> Concedo tamen, alias res permanentes (ut *vestes sacras*, *calices*, *Sanctorum reliquias &c.*) quando earum emptio, & venditio, quantumvis Simoniaca, valida est, & non iusta, retineri posse, dum contra non facientem injuriam sequatur sententia declaratoria criminis, & impositio eas dimittendi, ut constabit ex n. scqq. *Dixi res alias*. Nam, ut constat ex n. 560. *jus Patronatus* dispositione juris Ecclesiastici, emptori per *Judicem auferendum* est in poenam delicti.

<sup>564</sup> Not. 4. Notabile discrimen esse inter *emensem*, & *vendentem* Simoniacè. *Emens* enim, dato pretio pro re spirituali, venditori nullam facit injuriam dando premium conventum, & recipiendo spirituale: Quia tamen *vendens* exigit, ac recipit premium temporale, pro spirituali, ex suppositione, quod dare voluerit, *ex obligatione dandum gratias*, injuriam infert ementi. Et hinc est, quod venditor jure naturali, & divino debat premium receptum dimittere. Huic tamen satisficeret reddendo emptori, si lege Ecclesiastica specialiter constitutum non esset in poenam etiam emptori Simoniaco, ut ipse, & premium, & *jus Patronatus* amittat, de quo l. 3. tit. 38.

<sup>565</sup> Not. 5. In spiritualibus, *annexivè tabibus*, & permanentibus, ubi communiter adjunctum est aliquid temporale, antecedenter, consequenter, vel concomitantem, ut dictum est, attendendum esse, quid in eo sit *principale*? Nam Laymā apud Pirhing de Simonia n. 186. rectè docet, si spirituale in illis est principale (ut in reliquiis *Sanctorum*) venditionem simoniacam, ratione spiritualitatis, invalidam esse. Nequit enim esse venditio rei invendibilis; Si

autem spirituale solum sit accessorium, & res temporalis, *principale* (ut sunt *calices*, *vestes sacrae*) venditionem tenere; & talem rem emptam ab emptore quantumvis Simoniaco, licetē retineri, dum restituto prelio per venditorem, rem emptam dimittere cogatur.

Quæstio est 2. An beneficium simo-

<sup>566</sup> niacè acceptum restitutioni sit obnoxium? Ex. si loquamur de *restitutione* propriè dictâ, beneficium Ecclesiasticum simoniacè, sed non iustè ab emente acquisitum, non esse obnoxium restitutioni jure naturali, aut divino juxta n. 559. quia tamen, ubi Simonia realis intervenit, nullum jus recipienti acquisitum est, ipsius beneficij, & fructuum retentio illicita erit, & obligatio non tantum dimittendi beneficium, sed etiam fructus inde perceptos, juxta doctrinam in superioribus §. §. traditam, & dicitur in Extrav. *Cum detestabile, de Simonia*.

Quæstio est 3. An obligatio dimis-

<sup>567</sup> tendi beneficium cum reali Simonia receptum, & fructus nulliter perceptos restituendi, sit juris divini? Pirhing h.t. n. 185. in fine censem, esse quidem obligationem dimittendi beneficium, & restituendi fructus, etiam ante sententiam judicis, sed *ex jure tantum Ecclesiastico*; quia beneficij Simoniaca collatio est ipso jure irrita. Circa hanc doctrinam Not. 1. collationem & receptionem Simoniacam beneficij Ecclesiastici esse jure naturali, & divino nullam, quando ea Simonia est juris naturalis, & divini; tunc enim interyeniret venditio rei nullo jure vendibilis; secùs est, si annuletur jure solum Ecclesiastico. Not. 2. Probabilius esse, etiam ante sententiam Judicis *condemnatoriam* jure naturali esse restituendos fructus perceptos ex beneficio nulliter acquisito. Nam retinere, quod nullo justo titulo penes me est, jure naturali, & divino illicitum est; intellige, si sic scienter retineantur. Not. 3. Restituto pretio simoniacè dato, spirituale permanens (quod restitui, vel dimitti potest) vicissim esse restituendum, seu contractum rescindendum, & spirituale dimittendum; alias reddens premium cogeretur contractu rescisso damnum pati compensationis sibi debita, sic Lessius l. 2. c. 35. d. 30. n. 168.

Quæstio est 4. An, & qualiter pre-

<sup>568</sup> tum simoniacè acceptum sit obnoxium restitutio?

In hac quæstione dubitatur 1.

an,

an, qui simoniace accepit pretium pro dando spirituali, aliquo v.g. beneficio, vel alio quocunque, teneatur illud reddere, etiam si ipse non dum dederit spirituale? Affirmativa communis est. Cum enim illa acceptio sit illicita, *nepote simoniaca*, & cum *injuria dantis premium*, ut diximus n. 564. Spectato jure naturali reddendum danti, cum ipse Iesus sit, ut ostendimus loco cit. Neque quoad hunc casum extat ullum jus, cuius dispositione privandus esset dans, pretio dato, sic, ut alteri, & non ementi, seu ei, qui pretium solvit, reddendum foret; nisi forsitan in causa empti simoniace juris patronatus, quoad primam partem, de quo lib. 3. vel Ecclesiæ laesa per tale crimen, ut mox dicemus; ita Suarez l.4. c.59. n.2. Lessius l.2. c.35. d. 31. n. 170. Censet tamen Covat ad reg. peccatum p. 2. §. 2. n. 7. illud non posse repeti à dante propter turpitudinem admissionis.

569 Dubitatur 2. An, si quis simoniace alicui dedit beneficium, vel aliud præsentavit, elegit, confirmavit &c. accepto pretio, teneatur illud restituere ante Judicis sententiam? *R.* affirmativam quoad primam partem, esse decisam jure Ecclesiastico in c. *De hac*, 11. de Simonia, ibi: *Regem autem, & principes ejus debes inducere, ut si que reperirent à prefato Episcopo, ut ejus electioni prestarent assensum, Ecclesia Exonensiæ sine diminutione restituant; cum ea sine gravi sua salutis periculo retinere non possint.* Dixi, quoad primam partem. Nam ex textu hujus Canonis non deducitur, præcipi restitucionem ante Judicis sententiam, saltrem declaratoriam criminis. V. dicenda à n. 574.

570 Quæstio est 5. An pretium simoniace acceptum, extra materiam beneficiorum, v.g. propter admissionem ad Religionem &c. sit restituendum? Respondet Castropalaus cit. p. 26. n. 6. pretium receptum pro qualibet alia Simonia (nimurum extra materiam beneficiorum) jure Ecclesiastico non esse restituendum ante Judicis sententiam. Nam in Extravag. sanè, de Simonia, pretium pro ingressu Religionis acceptum simoniace, permittitur retineri, modò non in privatum usum Abbatis, vel Abbatissæ; sed communem totius Conventus convertatur.

571 Dices 1. simoniace recipiens pretium, pro admissione ad Religionem v. g. danti

pretium facit injuriam, & talis receptio continet iniustitiam; haec autem jure naturæ petit restitucionem; ergo non est exceptanda Judicis sententia. Ma. patet ex n. 564. Min. etiam constat. Nam fur rem furtivam, non expectata judicis sententiâ, tenetur restituere. *R.* esse verum, nisi jus positivum aliud statuat in poenam turpitudinis commissæ, etiam à dante simoniace pretium.

Dices 2. in c. *Veniens*. 19. de Simon. 572 compellitur Abbas restituere pretium simoniace acceptum pro simoniaca receptione ad Monasterium. *R.* cum distinctione, compellitur pretium restituere, quando *receptus cogitur, eo monasterio deserto, transire ad aliud.* C. sic enim justum est, ut datum pecuniam secum deferat in alimenta, idque non in gratiam ejus, sed Monasterii, ad quod transfertur: *Si non cogitur, eo monasterio deserto, transire ad aliud.* N. in cit. c. id mandari. Nam simoniace professus (cum talis professio nihilominus valeat ex n. 423.) non tenerur suum Monasterium deferere, & ad aliud transire *ante judicis sententiam*, ut docet Suarez cit. l. 4. c. 60. n. 11. ergo nec Abbas receptum simoniace pretium restituere. Sic Barboſa in cit. c. *Veniens*, n. 4. in fine.

Dices 3. in c. *Audivimus*, 41. de Si- 573 monia dicitur, quod Episcopi nihil exigere debeant, ut permittant in Ecclesiis sibi subjectis Clericos institui, Monachos profiteri, vel mortuos sepeliri, *aliоquin exacta in duplum esse restituenda in utilitatem locorum (in quorum fuerint soluta dispensum) convertenda* *R.* totum hoc verum esse; si ad hoc compellatur accipiens per sententiam, saltrem declaratoriam criminis; sed non ante, saltrem in foro externo.

Quæstio est 4. cui pretium simoniace 574 acceptum, sit restituendum? De hoc aliquid insinuavimus n. 568. nempe *spectato jure naturali*, restituendum esse illi, à quo acceptum est; in poenam tamen simoniace dantis, dispositione juris Ecclesiastici dandum Ecclesiæ, in qua est beneficium, circa quod Simonia intercessit, ut exprefse definitum est in c. *de hoc*, 11. h.t. ibi: *Regem, & principes ejus debes inducere, ut, si que reperirent à prefato Episcopo, ut ejus electioni praebrent assensum, Ecclesia Exonensiæ sine diminutione restituant.* Dubitatur tamen 1. an hic nomine Ecclesiæ, intelligi etiam possint pauperes? Si id fiat cum sensu

sensi Superioris, affirmativam tenet D. Thomas, & alii apud Castropalaum cit. n. 5. & posse fieri pauperibus, de consuetudine receptâ, tenent multi relati, à Co-var. in regul. *Peccatum*, p. 2. §. 3. n. 6. quod etiam ait D. Thomas 2. 2. q. 32. art. 7. dicens: *Premium simoniacum non esse restituendum danti, sed in elemosynam erogandum.*

575 Dubitatur 2. *An premium Simoniacum restitu possit danti, ante sententiam Iudicis imponentis, in pñnam dantis, privationem ejus, ac applicationem Ecclesie, vel pauperibus?* Affirmativam probabilem censet Castropalaus cit. n. 5. & apud eum Lessius dub. 31. n. 171. Sotus, Valentia, & alii. Nam ejus dominium, ante poenalem Judicis sententiam, manet penes dantem; cum ejus datio simoniaca in beneficiis sit ipso iure irrita, consequenter non fecerit ejus translationem in recipientem; & quamvis c. *De hoc*, dicat; *dandum Ecclesie*, intelligitur tamen post sententiam condemnatoriam; nec extat ullus textus ipso jure pri-vans dantem premium, hujus dominio.

## ARTICULUS XI.

*Quae Simonia probatio requiratur, ut quis condemnetur ad pñnam infi-gendam?*

576 R Esp. 1. Crimen illud optimè probari notorietate facti, c. *de manifesta*, & duobus seq. 2. q. 1. ubi Stephanus Papa V. Leonii Episcopo Theonensi re-scribit, *de manifesta*, & nota pluribus causa non esse querendos testes. Et ideo S. Augustinus Serm. 16. De Verbis Domini, relatus, in c. *si peccaverit*, 2. q. 1. recte ait, *peccatum, quod tantum Iudici notum est, ab eo condemnari non posse.*

577 Resp. 2. Recte etiam probari evidētiā facti; ut cum quis in crimen deprehenditur, ut dicitur in c. *si quis Diaconus*. 29. dist. 50. ibi: *Si quis Diaconus post acceptam benedictionem Leviticam cum Uxore sua incontinens invenitur, ab officio suo dejectatur.* Et c. *si quis Clericus* 10. dist. 81. ibi: *Si quis Clericus adulterasse, aut confessus fuerit, aut convictus, depositus ab Officio, communione concessa, in Monasterium toto vita sua tempore derrudatur.*

578 Resp. 3. Recte probari confessione propriâ ipsius Rei, ut constat ex c. *si quis Clericus*, in præced. num. & c. *Presbyter*. 15. q. 5. Tom. V.

ib; *Nisi sua sponte scelus ipse confiteatur, & c. de hoc, de Simon. ibi: Nec tam enide convicti, vel confessi fuerint; ubi notat Parisius l. 14. de Resignat. q. 8. & 9. cum seq. resolutionem procedere etiam de confessione facta in judicio criminali.*

Resp. 4. Recte probari per instru-<sup>579</sup> mentum, in quo adest promissio, vel pa-tum de dando temporali pro spirituali, vel è contra, de quo V. dicta l. 2. rit. 22. de fide instrumentorum. Volunt aliqui etiam sufficere famam; sed de hoc V. dicta à n. 65. Idem dicendum videtur de corresponditatem, hoc est, quando unus actus fit per alium; ut si quis mihi renun-tiet beneficium suum; & ego in continen-ti, hoc est, codem die, coram eodem Nota-rio, & testibus, consentio in pensionem, vel aliam renuntiationem in ejus favorem, ut videtur colligi ex c. *Emendari* (quod est 104.) 1. q. 1.

Dices in cit. c. de hoc expresse dicitur, <sup>580</sup> eos, qui pro suffragio in electione dando acceperunt beneficij promissionem ab eo, qui eligi cupiebat, esse perpetuò deponen-dos, si in jure confessi, vel legitimate con-victi fuerint; non tamen, licet manifestum sit, si nec confessi, nec convicti fuerint; ergo non sufficit quilibet probatio ex prædictis s. ibi manifestum accipi pro famoso, seu noto ex mala fama; quæ utique ad depo-sitionem, seu condemnationem crimina-lem, ut Reus deponatur, non sufficit, ex n. 108. secus si sumatur pro notorio, etiam probata notorietate.

Si autem quæras, an conjecturis, & <sup>581</sup> præsumptionibus sufficienter probetur cri-men Simoniae? De hoc in genere locuti sumus à n. 147. Cerrum autem est Simoniae vitium inter graviora numerari; cum comparetur homicidio, heresi, ac idolatria. Et quamvis in his probatio recte fiat per indicia, conjecturas, & præsumptiones; non sufficiunt tamen qualibet indicia, & conjectura, sed requiruntur evidentes, & Reum de crimine convincingentes juxta glos-sam in c. *Insinuatum*, de Simonia; ac ple-ne probata, ut docent omnes teste Alexand. de Nevo consil. 64. n. 2. Jul. Claro §. *Si-monias*, in fine; & §. ult. q. 20. Parisio cit. q. 8. à n. 14.

Si quæras 2. qui accusate, & accusari <sup>582</sup> possint super crimine Simoniae? s. quod in hoc crimine quilibet Catholicus sit legiti-mus accusator; per c. *si Dominus*. 3. hoc tit.

Q